



## Agenda centralnog događaja filantropske inicijative u Varešu

02. august 2024. godine

- 11:00h – 12:30h

### Radionica za mlade „Mladi kao pokretači izgradnje pozitivnog mira“

Učesnici, koje će činiti učenici srednjih škola iz Vareša, će imati priliku naučiti na koji način mogu biti pokretači promjena u svojoj lokalnoj zajednici kroz prizmu izgradnju mira- koje resurse i demokratske alate mogu iskoristiti kako bi kao pripadnici civilnog društva i mlade osobe mogli napraviti promjenu.

Predavačica: Azra Sorguč, uposlenica Mreže za izgradnju mira.

- 12:30h -12:45h

### Pauza

- 12:45h – 13:30h

### Radionica fotografije za mlade

Fotografija je kroz historiju imala i dokumentarističku svrhu, svjedočenja sukobima, ali i mirovnim procesima i pomirenju. Kroz ovu radionicu posvećenu fotografiji, učesnici će biti osnaženi da potpomažu konstantne i nužno potrebne procese izgradnje održivog i pozitivnog mira u BiH. Učesnici će imati priliku naučiti više o fotografiji mobilnim telefonima i fotoaparatom, naučiti nove tehnike fotografije i korištenje fotografske opreme.

Predavač: Haris Badžić, uposlenik Mreže za izgradnju mira.

- 13:30h – 13:45h

### Pauza

- 13:45h – 14:30h

### Radionica sa Sarajevo Drum Orchestra



Sarajevo Drum Orchestra world music grupa izvodi autorski udarački performans, utemeljen na brazilskim, azijskim, afro-kubanskim ritmovima, na svjetskim festivalima. Voditelji samba radionice učenicima dijele iskustva kroz aktivno upoznavanje sa brazilskim udaraljka, vježbanje i usvajanje brazilskih ritmova poput Samba Reggae i Rio Samba. Učenici će savladavati nazive instrumenata, ispravno držanje različitih palica, pravilnu upotrebu instrumenata i njihovu ulogu u sastavu udaraljki, ispravno nošenje, držanje i sviranje u mjestu i hodu, te pravilno održavanje i smještanje za dugotrajniji vijek. Ispravno zagrijavanje, disanje i držanje tijela, vokaliziranje, čitanje notnih zapisa i savladavanje sviranja muzičkih linija pojedinih instrumenata, te grupno usklađeno sviranje u određenom tempu, maniru i unisonim frazama. Koristićemo razne audio video materijale o tradicionalnom izvođenju i porijeklu brazilske sambe muzike. Brazilske udaraljke će prvenstveno biti dodijeljene primjereno mogućnostima i uzrastu učenika, a zatim će biti zamijenjene među učenicima, sa ciljem dobijanja naprednijeg instrumentalnog iskustva.

Sviranje u skladu s ostalim članovima grupe zahtijeva usklađenost i međusobnu podršku, što gradi osjećaj zajedništva i solidarnosti. Aktivnost će potaknuti interes za umjetnost i glazbu među mladima te ih motivirati da se aktivno uključe u kulturne aktivnosti u svojoj zajednici. Kroz aktivno učenje i sudjelovanje u radionicama, učenici će imati priliku ne samo naučiti svirati različite instrumente već i upoznati kulturne kontekste iz kojih ti ritmovi potječu. Ovaj aspekt radionice će promicati međukulturalno razumijevanje i poštovanje različitosti.

Predavači: Sarajevo Drum Orchestra

- **15:00 – 17:00h**

### **Family day za građane Vareša**

Family day za građane Vareša će se organizovati u saradnji sa Udruženjem penzionera Vareša te će se sastojati od zajedničkog roštilja za sve zainteresovane. Cilj aktivnosti je napraviti otvoreno druženje za sve, na kojem će se moći neformalno razgovarati o filantropskoj inicijativi kako bi se približila više potencijalnim donatorima. Family day pruža priliku građanima Vareša da se okupe i provedu vrijeme zajedno u opuštenoj atmosferi. Kroz



zajednički roštilj i druge aktivnosti, ljudi se međusobno bolje upoznaju i jačaju svoje veze u zajednici.

- **19:00h – 22:30h**

### **Rock koncerti mladih bendova**

Za kraj ovog filantropskog dana, organizovat ćemo zabavno-muzički program za građane Vareša, koji se sastoji od koncerata mladih bendova iz Bosne i Hercegovine. Muzika ima moć da poveže ljude i premosti razlike. Koristeći muziku kao jezik koji nadilazi riječi, ova aktivnost će ponuditi građanima Vareša mogućnost za povezivanjem. Sarajevo Drum Orchestra će započati program kroz muzički defile kroz grad, uz koji će povesti ljude na lokaciju koncerata. Bendovi koji će nastupati nakon njih su:

- Škola gitare "Galeb", Jablanica;
- Pop rock škola, Sarajevo;
- Bend "KICK", Kakanj;
- Rock škola regije Birač;
- Grupa "Moja prva nota", Vareš;
- Grupa "Morana", Vareš.